

gustav / December 31, 2012 11:16PM

[勝法能逆生死流，甚深微妙難得見；有情盲冥貪欲覆，由不見故受眾苦 ...](#)
[《金光明最勝王經卷四．最淨地陀羅尼品第六》](#)

◎勝法能逆生死流，甚深微妙難得見；有情盲冥貪欲覆，由不見故受眾苦。

～ 《金光明最勝王經卷四．最淨地陀羅尼品第六》大唐三藏沙門義淨奉 制譯 ([CBETA全文](#))

T16n0665_p0417c17(00)	
T16n0665_p0417c18(00)	
T16n0665_p0417c19(00)	金光明最勝王經卷第四
T16n0665_p0417c20(00)	
T16n0665_p0417c21(00)	大唐三藏沙門義淨奉 制譯
T16n0665_p0417c22(00)	最淨地陀羅尼品第六
T16n0665_p0417c23(00)	爾時，師子相無礙光焰菩薩，與無量億眾，
T16n0665_p0417c24(01)	從座而起，偏袒右肩，右膝著地，合掌恭敬，
T16n0665_p0417c25(01)	頂禮佛足，以種種花香寶幢幡蓋而供養已，
T16n0665_p0417c26(01)	白佛言：「世尊！
T16n0665_p0417c27(13)	以幾因緣得菩提心？何者是菩提心？世尊！即於菩提，現在心不可得，
T16n0665_p0417c28(01)	未來心不可得，過去心不可得。離於菩提，
T16n0665_p0417c29(01)	菩提心亦不可得。菩提者，不可言說，
T16n0665_p0418a01(03)	心亦無色無相，無有事業，非可造作，
T16n0665_p0418a02(04)	眾生亦不可得，亦不可知。世尊！
T16n0665_p0418a03(07)	云何諸法甚深之義而可得知？」
T16n0665_p0418a04(00)	佛言：「善男子！如是！如是！菩提微妙，事業、
T16n0665_p0418a05(02)	造作皆不可得。若離菩提，菩提心亦不可得。
T16n0665_p0418a06(01)	菩提者，不可說，心亦不可說，無色相，
T16n0665_p0418a07(02)	無事業，一切眾生亦不可得。何以故？菩提及心，
T16n0665_p0418a08(00)	同真如故，能證所證，皆平等故，
T16n0665_p0418a09(04)	非無諸法而可了知。善男子！菩薩摩訶薩如是知者，
T16n0665_p0418a10(00)	乃得名為通達諸法，善說菩提及菩提心。
T16n0665_p0418a11(00)	菩提心者，非過去，非未來，非現在。
T16n0665_p0418a12(03)	心亦如是，眾生亦如是，於中二相，實不可得。
T16n0665_p0418a13(02)	何以故？以一切法皆無生故，菩提不可得，
T16n0665_p0418a14(02)	菩提名亦不可得，眾生、眾生名不可得，聲聞、
T16n0665_p0418a15(01)	聲聞名不可得，獨覺、獨覺名不可得，菩薩、
T16n0665_p0418a16(01)	菩薩名不可得，佛、佛名不可得，行、
T16n0665_p0418a17(04)	非行不可得，行、非行名不可得。以不可得故，
T16n0665_p0418a18(03)	於一切寂靜法中而得安住，
T16n0665_p0418a19(08)	此依一切功德善根而得生起。
T16n0665_p0418a20(00)	「善男子！譬如寶須彌山王饒益一切，
T16n0665_p0418a21(03)	此菩提心利眾生故，是名第一布施波羅蜜因。
T16n0665_p0418a22(01)	善男子！譬如大地持眾物故，
T16n0665_p0418a23(06)	是名第二持戒波羅蜜因。譬如師子有大威力，獨步無畏，
T16n0665_p0418a24(00)	離驚恐故，是名第三忍辱波羅蜜因。
T16n0665_p0418a25(02)	譬如風輪那羅延力，勇壯速疾，心不退故，
T16n0665_p0418a26(02)	是名第四勤策波羅蜜因。
T16n0665_p0418a27(09)	譬如七寶樓觀有四階道，清涼之風來吹四門，受安隱樂，
T16n0665_p0418a28(03)	靜慮法藏求滿足故，是名第五靜慮波羅蜜因。
T16n0665_p0418a29(01)	譬如日輪光耀熾盛，
T16n0665_p0418b01(09)	此心速能破滅生死無明闇故，是名第六智慧波羅蜜因。
T16n0665_p0418b02(03)	譬如商主能令一切心願滿足，此心能度生死險道，
T16n0665_p0418b03(00)	獲功德寶故，
T16n0665_p0418b04(11)	是名第七方便勝智波羅蜜因。譬如淨月圓滿無翳，

T16n0665_p0418b05(07) 此心能於一切境界清淨具足故，是名第八願波羅蜜因。
 T16n0665_p0418b06(01) 譬如轉輪聖王主兵寶臣隨意自在，
 T16n0665_p0418b07(04) 此心善能莊嚴淨佛國土，無量功德廣利群生故，
 T16n0665_p0418b08(01) 是名第九力波羅蜜因。譬如虛空及轉輪聖王，
 T16n0665_p0418b09(00) 此心能於一切境界無有障礙，
 T16n0665_p0418b10(04) 於一切處皆得自在至灌頂位故，
 T16n0665_p0418b11(07) 是名第十智波羅蜜因。善男子！
 T16n0665_p0418b12(12) 是名菩薩摩訶薩十種菩提心因，如是十因，汝當修學。
 T16n0665_p0418b13(00) 「善男子！依五種法，
 T16n0665_p0418b14(10) 菩薩摩訶薩成就布施波羅蜜。云何為五？一者、信根；二者、慈悲；三者、
 T16n0665_p0418b15(00) 無求欲心；四者、攝受一切眾生；五者、
 T16n0665_p0418b16(02) 願求一切智智。善男子！
 T16n0665_p0418b17(10) 是名菩薩摩訶薩成就布施波羅蜜。「善男子！復依五法，
 T16n0665_p0418b18(05) 菩薩摩訶薩成就持戒波羅蜜。云何為五？一者、
 T16n0665_p0418b19(03) 三業清淨；二者、不為一切眾生作煩惱因緣；
 T16n0665_p0418b20(01) 三者、閉諸惡道，開善趣門；四者、過於聲聞、
 T16n0665_p0418b21(01) 獨覺之地；五者、一切功德皆悉滿足。善男子！
 T16n0665_p0418b22(01) 是名菩薩摩訶薩成就持戒波羅蜜。「善男子！
 T16n0665_p0418b23(01) 復依五法，菩薩摩訶薩成就忍辱波羅蜜。
 T16n0665_p0418b24(02) 云何為五？一者、能伏貪、瞋煩惱；二者、不惜身命，
 T16n0665_p0418b25(00) 不求安樂止息之想；三者、思惟往業，
 T16n0665_p0418b26(02) 遭苦能忍；四者、發慈悲心成就眾生諸善根故；
 T16n0665_p0418b27(00) 五者、為得甚深無生法忍。善男子。
 T16n0665_p0418b28(03) 是名菩薩摩訶薩成就忍辱波羅蜜。「善男子！
 T16n0665_p0418b29(03) 復依五法，菩薩摩訶薩成就勤策波羅蜜。
 T16n0665_p0418c01(05) 云何為五？一者、與諸煩惱不樂共住；二者、
 T16n0665_p0418c02(04) 福德未具不受安樂；三者、
 T16n0665_p0418c03(09) 於諸難行苦行之事不生厭心；四者、以大慈悲攝受利益，
 T16n0665_p0418c04(02) 方便成熟一切眾生；五者、願求不退轉地。
 T16n0665_p0418c05(02) 善男子！是名菩薩摩訶薩成就勤策波羅蜜。
 T16n0665_p0418c06(03) 「善男子！復依五法，
 T16n0665_p0418c07(11) 菩薩摩訶薩成就靜慮波羅蜜。云何為五？一者、於諸善法攝令不散故；
 T16n0665_p0418c08(00) 二者、常願解脫，不著二邊故；三者、
 T16n0665_p0418c09(03) 願得神通成就眾生諸善根故；四者、為淨法界，
 T16n0665_p0418c10(00) 蠲除心垢故；五者、為斷眾生煩惱根本故。
 T16n0665_p0418c11(00) 善男子！是名菩薩摩訶薩成就靜慮波羅蜜。
 T16n0665_p0418c12(00) 「善男子！復依五法，
 T16n0665_p0418c13(10) 菩薩摩訶薩成就智慧波羅蜜。云何為五？一者、
 T16n0665_p0418c14(09) 常於一切諸佛菩薩及明智者，供養親近，不生厭背；二者、
 T16n0665_p0418c15(03) 諸佛如來說甚深法，心常樂聞，無有厭足；三者、
 T16n0665_p0418c16(01) 真俗勝智，樂善分別；四者、見修煩惱，
 T16n0665_p0418c17(03) 咸速斷除；五者、世間伎術五明之法，皆悉通達。
 T16n0665_p0418c18(01) 善男子！是名菩薩摩訶薩成就智慧波羅蜜。
 T16n0665_p0418c19(02) 「善男子！復依五法，
 T16n0665_p0418c20(09) 菩薩摩訶薩成就方便波羅蜜。云何為五？一者、
 T16n0665_p0418c21(08) 於一切眾生意樂煩惱心行差別悉皆通達；二者、
 T16n0665_p0418c22(06) 無量諸法對治之門，心皆曉了；三者、大慈悲定，出入自在；
 T16n0665_p0418c23(01) 四者、於諸波羅蜜多，皆願修行，成就滿足；
 T16n0665_p0418c24(01) 五者、一切佛法，皆願了達，攝受無遺。善男子！
 T16n0665_p0418c25(00) 是名菩薩摩訶薩成就方便勝智波羅蜜。
 T16n0665_p0418c26(02) 「善男子！復依五法，
 T16n0665_p0418c27(10) 菩薩摩訶薩成就願波羅蜜。云何為五？一者、於一切法從本以來，
 T16n0665_p0418c28(01) 不生不滅，非有非無，心得安住；二者、
 T16n0665_p0418c29(02) 觀一切法最妙理趣，離垢清淨，心得安住；三者、
 T16n0665_p0419a01(00) 過一切想，是本真如，無作無行，

T16n0665_p0419a02(04) 不異不動心得安住；四者、為欲利益諸眾生事，
 T16n0665_p0419a03(02) 於俗諦中，心得安住；五者、於奢摩他、
 T16n0665_p0419a04(03) 毘鉢舍那，同時運行，心得安住。善男子！
 T16n0665_p0419a05(04) 是名菩薩摩訶薩成就願波羅蜜。「善男子！復依五法，
 T16n0665_p0419a06(01) 菩薩摩訶薩成就力波羅蜜。云何為五？一者、
 T16n0665_p0419a07(00) 以正智力，能了一切眾生心行善惡；二者、
 T16n0665_p0419a08(01) 能令一切眾生入於甚深微妙之法；三者、
 T16n0665_p0419a09(01) 一切眾生輪迴生死，隨其緣業，如實了知；
 T16n0665_p0419a10(01) 四者、於諸眾生，三種根性，以正智力，
 T16n0665_p0419a11(03) 能分別知；五者、於諸眾生，如理為說，令種善根，
 T16n0665_p0419a12(00) 成熟度脫，皆是智力故。善男子！
 T16n0665_p0419a13(05) 是名菩薩摩訶薩成就智波羅蜜。「善男子！復依五法，
 T16n0665_p0419a14(01) 菩薩摩訶薩成就智波羅蜜。云何為五？一者、
 T16n0665_p0419a15(00) 能於諸法，分別善惡；二者、於黑白法，
 T16n0665_p0419a16(01) 遠離攝受；三者、能於生死涅槃，不厭不喜；
 T16n0665_p0419a17(00) 四者、具福智行，至究竟處；五者、受勝灌頂，
 T16n0665_p0419a18(00) 能得諸佛不共法等，及一切智智。善男子！
 T16n0665_p0419a19(00) 是名菩薩摩訶薩成就智波羅蜜。「善男子！
 T16n0665_p0419a20(00) 何者是波羅蜜義？所謂修習勝利，
 T16n0665_p0419a21(04) 是波羅蜜義；滿足無量大甚深智，是波羅蜜義；
 T16n0665_p0419a22(02) 行非行法，心不執著，是波羅蜜義；生死過失，
 T16n0665_p0419a23(02) 涅槃功德，正覺正觀，是波羅蜜義；
 T16n0665_p0419a24(06) 愚人智人皆悉攝受，是波羅蜜義；能現種種珍妙法寶，
 T16n0665_p0419a25(02) 是波羅蜜義；無礙解脫，智慧滿足，是波羅蜜義；
 T16n0665_p0419a26(01) 法界、眾生界正分別知，是波羅蜜義；施等及智，
 T16n0665_p0419a27(00) 能令至不退轉，是波羅蜜義；無生法忍，
 T16n0665_p0419a28(01) 能令滿足，是波羅蜜義；
 T16n0665_p0419a29(07) 一切眾生功德善根，能令成熟，是波羅蜜義；
 T16n0665_p0419b01(05) 能於菩提成佛十力、四無所畏、不共法等，皆悉成就，
 T16n0665_p0419b02(02) 是波羅蜜義；生死涅槃，了無二相，是波羅蜜義；
 T16n0665_p0419b03(00) 濟度一切，是波羅蜜義；一切外道來相詰難，
 T16n0665_p0419b04(00) 善能解釋，令其降伏，是波羅蜜義；
 T16n0665_p0419b05(03) 能轉十二妙行法輪，是波羅蜜義；無所著、無所見、
 T16n0665_p0419b06(00) 無患累，是波羅蜜多義。
 T16n0665_p0419b07(00) 「善男子！初地菩薩是相先現，
 T16n0665_p0419b08(05) 三千大千世界，無量無邊種種寶藏，無不盈滿，
 T16n0665_p0419b09(03) 菩薩悉見。善男子！二地菩薩是相先現，
 T16n0665_p0419b10(04) 三千大千世界地平如掌，無量無邊種種妙色，
 T16n0665_p0419b11(01) 清淨珍寶莊嚴之具，菩薩悉見。善男子！
 T16n0665_p0419b12(02) 三地菩薩是相先現，自身勇健，甲仗莊嚴，
 T16n0665_p0419b13(02) 一切怨賊，皆能摧伏，菩薩悉見。善男子！
 T16n0665_p0419b14(03) 四地菩薩是相先現，四方風輪種種妙花，
 T16n0665_p0419b15(03) 悉皆散灑，充布地上，菩薩悉見。善男子！
 T16n0665_p0419b16(03) 五地菩薩是相先現，有妙寶女，
 T16n0665_p0419b17(07) 眾寶瓔珞周遍嚴身，首冠名花以為其飾，菩薩悉見。善男子！
 T16n0665_p0419b18(00) 六地菩薩是相先現，七寶花池有四階道，
 T16n0665_p0419b19(00) 金沙遍布，清淨無穢，八功德水皆悉盈滿，
 T16n0665_p0419b20(00) 嚩鉢羅花、拘物頭花、
 T16n0665_p0419b21(07) 分陀利花隨處莊嚴，於花池所，遊戲快樂，清涼無比，
 T16n0665_p0419b22(03) 菩薩悉見。善男子！七地菩薩是相先現，於菩薩前，
 T16n0665_p0419b23(00) 有諸眾生應墮地獄，以菩薩力，
 T16n0665_p0419b24(03) 便得不墮，無有損傷，亦無恐怖，菩薩悉見。
 T16n0665_p0419b25(02) 善男子！八地菩薩是相先現，於身兩邊，
 T16n0665_p0419b26(03) 有師子王以為衛護，一切眾獸悉皆怖畏，
 T16n0665_p0419b27(03) 菩薩悉見。善男子！九地菩薩是相先現，

T16n0665_p0419b28(04) 轉輪聖王無量億眾圍遶供養，頂上白蓋，
 T16n0665_p0419b29(05) 無量眾寶之所莊嚴，菩薩悉見。善男子！
 T16n0665_p0419c01(06) 十地菩薩是相先現，如來之身，金色晃耀，無量淨光，
 T16n0665_p0419c02(02) 皆悉圓滿，有無量億梵王圍遶，恭敬供養，
 T16n0665_p0419c03(02) 轉於無上微妙法輪，菩薩悉見。
 T16n0665_p0419c04(00) 「善男子！
 T16n0665_p0419c05(14) 云何初地名為歡喜？謂初證得出世之心，昔所未得而今始得，於大事用，
 T16n0665_p0419c06(01) 如其所願，悉皆成就，生極喜樂，
 T16n0665_p0419c07(05) 是故最初名為歡喜。諸微細垢，犯戒過失，皆得清淨，
 T16n0665_p0419c08(02) 是故二地名為無垢。無量智慧三昧光明，
 T16n0665_p0419c09(02) 不可傾動，無能摧伏，聞持陀羅尼以為根本，
 T16n0665_p0419c10(01) 是故三地名為明地。以智慧火燒諸煩惱，
 T16n0665_p0419c11(00) 增長光明，修行覺品，是故四地名為焰地。
 T16n0665_p0419c12(00) 修行方便，勝智自在，極難得故，見修煩惱，
 T16n0665_p0419c13(01) 難伏能伏，是故五地名為難勝。行法相續，
 T16n0665_p0419c14(00) 了了顯現，無相思惟，皆悉現前，
 T16n0665_p0419c15(05) 是故六地名為現前。無漏、無間、無相思惟，解脫三昧，
 T16n0665_p0419c16(01) 遠修行故，是地清淨，無有障礙，
 T16n0665_p0419c17(05) 是故七地名為遠行。無相思惟，修得自在，諸煩惱行，
 T16n0665_p0419c18(01) 不能令動，是故八地名為不動。
 T16n0665_p0419c19(04) 說一切法種種差別，皆得自在，無患無累，
 T16n0665_p0419c20(03) 增長智慧，自在無礙，是故九地名為善慧。
 T16n0665_p0419c21(03) 法身如虛空，智慧如大雲，皆能遍滿覆一切故，
 T16n0665_p0419c22(01) 是故第十名為法雲。
 T16n0665_p0419c23(00) 「善男子！執著有相我法無明、
 T16n0665_p0419c24(05) 怖畏生死惡趣無明，此二無明障於初地。
 T16n0665_p0419c25(05) 微細學處誤犯無明、發起種種業行無明，
 T16n0665_p0419c26(06) 此二無明障於二地。未得今得愛著無明、
 T16n0665_p0419c27(06) 能障殊勝總持無明，此二無明障於三地。
 T16n0665_p0419c28(07) 味著等至喜悅無明、微妙淨法愛樂無明，此二無明障於四地。
 T16n0665_p0419c29(00) 欲背生死無明、希趣涅槃無明，
 T16n0665_p0420a01(04) 此二無明障於五地。觀行流轉無明、麤相現前無明，
 T16n0665_p0420a02(01) 此二無明障於六地。微細諸相現行無明、
 T16n0665_p0420a03(02) 作意欣樂無相無明，此二無明障於七地。
 T16n0665_p0420a04(02) 於無相觀功用無明、執相自在無明，
 T16n0665_p0420a05(04) 此二無明障於八地。
 T16n0665_p0420a06(12) 於所說義及名句文此二無礙未善巧無明、於詞辯才不隨意無明，
 T16n0665_p0420a07(01) 此二無明障於九地。
 T16n0665_p0420a08(09) 於大神通未得自在變現無明、微細祕密未能悟解事業無明，
 T16n0665_p0420a09(01) 此二無明障於十地。
 T16n0665_p0420a10(09) 於一切境微細所知障礙無明、極細煩惱麤重無明，
 T16n0665_p0420a11(06) 此二無明障於佛地。
 T16n0665_p0420a12(00) 「善男子！
 T16n0665_p0420a13(13) 菩薩摩訶薩於初地中行施波羅蜜，於第二地行戒波羅蜜，
 T16n0665_p0420a14(06) 於第三地行忍波羅蜜，於第四地行勤波羅蜜，
 T16n0665_p0420a15(04) 於第五地行定波羅蜜，於第六地行慧波羅蜜，
 T16n0665_p0420a16(02) 於第七地行方便勝智波羅蜜，
 T16n0665_p0420a17(06) 於第八地行願波羅蜜，於第九地行力波羅蜜，
 T16n0665_p0420a18(04) 於第十地行智波羅蜜。「善男子！
 T16n0665_p0420a19(09) 菩薩摩訶薩最初發心攝受，能生妙寶三摩地；第二發心攝受，
 T16n0665_p0420a20(02) 能生可愛樂三摩地；第三發心攝受，
 T16n0665_p0420a21(05) 能生難動三摩地；第四發心攝受，能生不退轉三摩地；
 T16n0665_p0420a22(01) 第五發心攝受，能生寶花三摩地；
 T16n0665_p0420a23(05) 第六發心攝受，能生日圓光焰三摩地；第七發心攝受，
 T16n0665_p0420a24(01) 能生一切願如意成就三摩地；第八發心攝受，

T16n0665_p0420a25(00) 能生現前證住三摩地；第九發心攝受，
 T16n0665_p0420a26(02) 能生智藏三摩地；第十發心攝受，
 T16n0665_p0420a27(06) 能生勇進三摩地。善男子！是名菩薩摩訶薩十種發心。
 T16n0665_p0420a28(02) 「善男子！菩薩摩訶薩於此初地得陀羅尼，
 T16n0665_p0420a29(01) 名依功德力。」爾時世尊即說咒曰：
 T16n0665_p0420b01(00) 「怛姪他 喃[口*律]你 曼奴喇剎 獨虎 獨虎
 T16n0665_p0420b02(00) 獨虎 耶跋 蘇利瑜 阿婆婆薩底(丁里反，下皆同)
 T16n0665_p0420b03(00) 耶跋 旃達囉 調怛底 多跋達[口*洛]叉
 T16n0665_p0420b04(00) 漫 憚茶鉢喇訶[口*藍] 矩嚕 莎訶
 T16n0665_p0420b05(00) 「善男子！
 T16n0665_p0420b06(14) 此陀羅尼是過一恒河沙數諸佛所說，為護初地菩薩摩訶薩故。
 T16n0665_p0420b07(04) 若有誦持此陀羅尼咒者，得脫一切怖畏，所謂虎狼、
 T16n0665_p0420b08(00) 師子、惡獸之類，一切惡鬼、人非人等，
 T16n0665_p0420b09(03) 怨賊災橫及諸苦惱，解脫五障，不忘念初地。
 T16n0665_p0420b10(00) 「善男子！菩薩摩訶薩於第二地得陀羅尼，
 T16n0665_p0420b11(01) 名善安樂住。
 T16n0665_p0420b12(00) 「怛姪他 嚩[竺-二+崙](入聲，下同)哩 質哩質哩 嚩
 T16n0665_p0420b13(00) [竺-二+崙]羅[竺-二+崙]羅(引) 喃繕睹繕睹嚩[竺-二+崙]哩 虎嚕虎
 T16n0665_p0420b14(00) 嚕 莎訶
 T16n0665_p0420b15(00) 「善男子！
 T16n0665_p0420b16(13) 此陀羅尼是過二恒河沙數諸佛所說，為護二地菩薩摩訶薩故。
 T16n0665_p0420b17(03) 若有誦持此陀羅尼咒者，脫諸怖畏惡獸、惡鬼、
 T16n0665_p0420b18(02) 人非人等，怨賊災橫及諸苦惱，解脫五障，
 T16n0665_p0420b19(02) 不忘念二地。
 T16n0665_p0420b20(00) 「善男子！菩薩摩訶薩於第三地得陀羅尼，
 T16n0665_p0420b21(00) 名難勝力。
 T16n0665_p0420b22(00) 「怛姪他 憚宅 枳般 宅枳 羯喇
 T16n0665_p0420b23(00) [打-丁+致]高喇[打-丁+致] 雞由哩 憚[打-丁+致]哩 莎訶
 T16n0665_p0420b24(00) 「善男子！
 T16n0665_p0420b25(14) 此陀羅尼是過三恒河沙數諸佛所說，為護三地菩薩摩訶薩故。
 T16n0665_p0420b26(05) 若有誦持此陀羅尼咒者，脫諸怖畏惡獸、惡鬼、人非人等，
 T16n0665_p0420b27(00) 怨賊災橫及諸苦惱，解脫五障，不忘念三地。
 T16n0665_p0420b28(00) 「善男子！菩薩摩訶薩於第四地得陀羅尼，
 T16n0665_p0420b29(00) 名大利益。
 T16n0665_p0420c01(00) 「怛姪他 室唎室唎 陀弭你陀弭你 陀
 T16n0665_p0420c02(00) 哩陀哩你 室唎室唎你 毘舍羅波世
 T16n0665_p0420c03(00) 波始娜 畔陀弭帝 莎訶
 T16n0665_p0420c04(00) 「善男子！
 T16n0665_p0420c05(14) 此陀羅尼是過四恒河沙數諸佛所說，為護四地菩薩摩訶薩故。
 T16n0665_p0420c06(04) 若有誦持此陀羅尼咒者，脫諸怖畏惡獸、惡鬼、
 T16n0665_p0420c07(03) 人非人等，怨賊災橫及諸苦惱，解脫五障，
 T16n0665_p0420c08(03) 不忘念四地。
 T16n0665_p0420c09(00) 「善男子！菩薩摩訶薩於第五地得陀羅尼，
 T16n0665_p0420c10(00) 名種種功德莊嚴。
 T16n0665_p0420c11(00) 「怛姪他 訶哩訶哩 你遮哩遮哩你 羯
 T16n0665_p0420c12(00) 喇摩(引) 你僧羯喇摩(引) 你 三婆山你瞻
 T16n0665_p0420c13(00) 跋你 悉耽婆你謨漢你 碎闍步陞莎訶
 T16n0665_p0420c14(00) 「善男子！
 T16n0665_p0420c15(14) 此陀羅尼是過五恒河沙數諸佛所說，為護五地菩薩摩訶薩故。
 T16n0665_p0420c16(05) 若有誦持此陀羅尼咒者，脫諸怖畏惡獸、惡鬼、人非人等，
 T16n0665_p0420c17(00) 怨賊災橫及諸苦惱，解脫五障，
 T16n0665_p0420c18(04) 不忘念五地。
 T16n0665_p0420c19(00) 「善男子！菩薩摩訶薩於第六地得陀羅尼，
 T16n0665_p0420c20(00) 名圓滿智。
 T16n0665_p0420c21(00) 「怛姪他 毘徙哩毘徙哩 摩哩你迦哩

T16n0665_p0421a01(00) 迦哩 毘度漢底 嚕嚕嚕嚕 主嚕主嚕
 T16n0665_p0421a02(00) 杜嚕婆杜嚕婆 捨捨設者婆哩灑莎(入) 悉底
 T16n0665_p0421a03(00) 薩婆薩埵喃 悉甸睹曼怛囉鉢陀你莎訶
 T16n0665_p0421a04(00) 「善男子！
 T16n0665_p0421a05(14) 此陀羅尼是過六恒河沙數諸佛所說，為護六地菩薩摩訶薩故。
 T16n0665_p0421a06(05) 若有誦持此陀羅尼咒者，脫諸怖畏惡獸、惡鬼、人非人等，
 T16n0665_p0421a07(00) 怨賊災橫及諸苦惱，解脫五障，
 T16n0665_p0421a08(04) 不忘念六地。
 T16n0665_p0421a09(00) 「善男子！菩薩摩訶薩於第七地得陀羅尼，
 T16n0665_p0421a10(00) 名法勝行。
 T16n0665_p0421a11(00) 「怛姪他 勺訶(上) 勺訶(引) 嚕勺訶勺訶勺訶
 T16n0665_p0421a12(00) 嚕 鞞陸枳鞞陸枳 阿蜜[口*栗]哆唬漢你
 T16n0665_p0421a13(00) 勃哩山你 鞞嚕救枳婆嚕伐底 鞞提咽
 T16n0665_p0421a14(00) 枳 頻陀鞞哩你 阿蜜哩底枳 薄虎主愈
 T16n0665_p0421a15(00) 薄虎主愈莎訶
 T16n0665_p0421a16(00) 「善男子！
 T16n0665_p0421a17(14) 此陀羅尼是過七恒河沙數諸佛所說，為護七地菩薩摩訶薩故。
 T16n0665_p0421a18(04) 若有誦持此陀羅尼咒者，脫諸怖畏惡獸、惡鬼、
 T16n0665_p0421a19(03) 人非人等，怨賊災橫及諸苦惱，解脫五障，
 T16n0665_p0421a20(03) 不忘念七地。
 T16n0665_p0421a21(00) 「善男子！菩薩摩訶薩於第八地得陀羅尼，
 T16n0665_p0421a22(00) 名無盡藏。
 T16n0665_p0421a23(00) 「怛姪他 室唎室唎室唎你 蜜底蜜底
 T16n0665_p0421a24(00) 羯哩羯哩醯嚕醯嚕 主嚕主嚕 畔陀弭莎
 T16n0665_p0421a25(00) 訶
 T16n0665_p0421a26(00) 「善男子！
 T16n0665_p0421a27(14) 此陀羅尼是過八恒河沙數諸佛所說，為護八地菩薩摩訶薩故。
 T16n0665_p0421a28(04) 若有誦持此陀羅尼咒者，脫諸怖畏惡獸、惡鬼、
 T16n0665_p0421a29(03) 人非人等，怨賊災橫及諸苦惱，解脫五障，
 T16n0665_p0421b01(03) 不忘念八地。
 T16n0665_p0421b02(00) 「善男子！菩薩摩訶薩於第九地得陀羅尼，
 T16n0665_p0421b03(00) 名無量門。
 T16n0665_p0421b04(00) 「怛姪他 訶哩旃茶哩枳 俱藍婆唎體
 T16n0665_p0421b05(00) (天里反) 都刺死 跋吒跋吒死室唎室唎
 T16n0665_p0421b06(00) 迦室哩迦必室唎 莎(蘇活反)悉底 薩婆薩埵
 T16n0665_p0421b07(00) 喃莎訶
 T16n0665_p0421b08(00) 「善男子！
 T16n0665_p0421b09(14) 此陀羅尼是過九恒河沙數諸佛所說，為護九地菩薩摩訶薩故。
 T16n0665_p0421b10(04) 若有誦持此陀羅尼咒者，脫諸怖畏惡獸、惡鬼、
 T16n0665_p0421b11(03) 人非人等，怨賊災橫及諸苦惱，解脫五障，
 T16n0665_p0421b12(03) 不忘念九地。
 T16n0665_p0421b13(00) 「善男子！菩薩摩訶薩於第十地得陀羅尼，
 T16n0665_p0421b14(00) 名破金剛山。
 T16n0665_p0421b15(00) 「怛姪他 悉提(去) 蘇悉提(去)謨折你木察你
 T16n0665_p0421b16(00) 毘木底菴末麗 毘末麗涅末麗 忙揭麗
 T16n0665_p0421b17(00) 咽[口*闌]若揭鞞 曷唎怛娜揭鞞 三曼多跋姪
 T16n0665_p0421b18(00) 麗 薩婆頰他娑憚你 摩捺斯莫訶摩捺
 T16n0665_p0421b19(00) 斯 頰步底頰 窒步底 阿[口*賴]誓毘唎誓
 T16n0665_p0421b20(00) 頰主底菴蜜[口*栗]底 阿[口*賴]誓毘唎誓 跋
 T16n0665_p0421b21(00) [口*藍]謎 跋囉蚶(火含)麼莎(入) [口*麗]喃唎你喃唎
 T16n0665_p0421b22(00) 娜 曼奴唎剎莎訶
 T16n0665_p0421b23(00) 「善男子！此陀羅尼灌頂吉祥句，
 T16n0665_p0421b24(05) 是過十恒河沙數諸佛所說，
 T16n0665_p0421b25(09) 為護十地菩薩摩訶薩故。若有誦持此陀羅尼咒者，
 T16n0665_p0421b26(05) 脫諸怖畏惡獸、惡鬼、人非人等，怨賊災橫，一切毒害，

T16n0665_p0421b27(02) 皆悉除滅，解脫五障，不忘念十地。」
 T16n0665_p0421b28(00) 爾時師子相無礙光焰菩薩，
 T16n0665_p0421b29(06) 聞佛說此不可思議陀羅尼已，即從座起，偏袒右肩，
 T16n0665_p0421c01(02) 右膝著地，合掌恭敬頂禮佛足，以頌讚佛：
 T16n0665_p0421c02(00) 「敬禮無譬喻，甚深無相法；
 T16n0665_p0421c03(00) 眾生失正知，唯佛能濟度。
 T16n0665_p0421c04(00) 如來明慧眼，不見一法相；
 T16n0665_p0421c05(00) 復以正法眼，普照不思議。
 T16n0665_p0421c06(00) 不生於一法，亦不滅一法；
 T16n0665_p0421c07(00) 由斯平等見，得至無上處。
 T16n0665_p0421c08(00) 不壞於生死，亦不住涅槃；
 T16n0665_p0421c09(00) 不著於二邊，是故證圓寂。
 T16n0665_p0421c10(00) 於淨不淨品，世尊知一味；
 T16n0665_p0421c11(00) 由不分別法，獲得最清淨。
 T16n0665_p0421c12(00) 世尊無邊身，不說於一字；
 T16n0665_p0421c13(00) 令諸弟子眾，法雨皆充滿。
 T16n0665_p0421c14(00) 佛觀眾生相，一切種皆無；
 T16n0665_p0421c15(00) 然於苦惱者，常興於救護。
 T16n0665_p0421c16(00) 苦樂常無常，有我無我等；
 T16n0665_p0421c17(00) 不一亦不異，不生亦不滅。
 T16n0665_p0421c18(00) 如是眾多義，隨說有差別；
 T16n0665_p0421c19(00) 譬如空谷響，唯佛能了知。
 T16n0665_p0421c20(00) 法界無分別，是故無異乘；
 T16n0665_p0421c21(00) 為度眾生故，分別說有三。」
 T16n0665_p0421c22(00) 爾時，大自在梵天王亦從座起，偏袒右肩，
 T16n0665_p0422a01(00) 右膝著地，合掌恭敬頂禮佛足，而白佛言：
 T16n0665_p0422a02(00) 「世尊！此《金光明最勝王經》，希有難量，
 T16n0665_p0422a03(02) 初中後善，文義究竟，皆能成就一切佛法；
 T16n0665_p0422a04(02) 若受持者，是人則為報諸佛恩。」佛言：「善男子！
 T16n0665_p0422a05(01) 如是！如是！如汝所說。善男子！
 T16n0665_p0422a06(06) 若得聽聞是經典者，皆不退於阿耨多羅三藐三菩提。
 T16n0665_p0422a07(01) 何以故？善男子！
 T16n0665_p0422a08(12) 是能成熟不退地菩薩殊勝善根，是第一法印，是眾經王故，
 T16n0665_p0422a09(06) 應聽聞受持讀誦。何以故？善男子！若一切眾生未種善根，
 T16n0665_p0422a10(00) 未成熟善根，未親近諸佛者，
 T16n0665_p0422a11(04) 不能聽聞是微妙法。若善男子、善女人能聽受者，
 T16n0665_p0422a12(02) 一切罪障皆悉除滅，得最清淨，常得見佛，
 T16n0665_p0422a13(02) 不離諸佛及善知識勝行之人，恒聞妙法，
 T16n0665_p0422a14(03) 住不退地，獲得如是勝陀羅尼門無盡無減；
 T16n0665_p0422a15(02) 所謂海印出妙功德陀羅尼無盡無減；
 T16n0665_p0422a16(04) 通達眾生意行言語陀羅尼無盡無減，
 T16n0665_p0422a17(06) 日圓無垢相光陀羅尼無盡無減；
 T16n0665_p0422a18(09) 滿月相光陀羅尼無盡無減；能伏諸惑演功德流陀羅尼無盡無減；
 T16n0665_p0422a19(00) 破金剛山陀羅尼無盡無減；
 T16n0665_p0422a20(06) 說不可說義因緣藏陀羅尼無盡無減；
 T16n0665_p0422a21(07) 通達實語法則音聲陀羅尼無盡無減；
 T16n0665_p0422a22(09) 虛空無垢心行印陀羅尼無盡無減；無邊佛身皆能顯現陀羅尼，
 T16n0665_p0422a23(01) 無盡無減。
 T16n0665_p0422a24(00) 「善男子！
 T16n0665_p0422a25(14) 如是等無盡無減諸陀羅尼門得成就故，
 T16n0665_p0422a26(14) 是菩薩摩訶薩能於十方一切佛土化作佛身，演說無上種種正法，
 T16n0665_p0422a27(04) 於法真如不動不住、不來不去，
 T16n0665_p0422a28(08) 善能成熟一切眾生善根，亦不見一眾生可成熟者。
 T16n0665_p0422a29(04) 雖說種種諸法，於言辭中不動不住、不去不來，
 T16n0665_p0422b01(01) 能於生滅證無生滅。

T16n0665_p0422b02(09) 以何因緣說諸行法無有去來？由一切法體無異故。」說是法時，
T16n0665_p0422b03(00) 三萬億菩薩摩訶薩得無生法忍，
T16n0665_p0422b04(04) 無量諸菩薩不退菩提心，無量無邊苾芻、
T16n0665_p0422b05(04) 苾芻尼得法眼淨，無量眾生發菩薩心。爾時，
T16n0665_p0422b06(03) 世尊而說頌曰：
T16n0665_p0422b07(00) 「勝法能逆生死流，甚深微妙難得見；
T16n0665_p0422b08(00) 有情盲冥貪欲覆，由不見故受眾苦。」
T16n0665_p0422b09(00) 爾時，大眾俱從座起，頂禮佛足而白佛言：
T16n0665_p0422b10(00) 「世尊！若所在處，講宣讀誦此
T16n0665_p0422b11(06) 《金光明最勝王經》，我等大眾皆悉往彼為作聽眾，
T16n0665_p0422b12(02) 是說法師令得利益，安樂無障，身意泰然。
T16n0665_p0422b13(02) 我等皆當盡心供養，亦令聽眾安隱快樂，
T16n0665_p0422b14(03) 所住國土，無諸怨賊、恐怖、厄難、飢饉之苦，人民熾盛。
T16n0665_p0422b15(00) 此說法處道場之地，一切諸天、
T16n0665_p0422b16(05) 人非人等一切眾生，不應履踐及以污穢。
T16n0665_p0422b17(06) 何以故？說法之處即是制底，當以香花、繒綵、
T16n0665_p0422b18(04) 幡蓋而為供養，我等常為守護，令離衰損。」佛告大眾：
T16n0665_p0422b19(00) 「善男子！汝等應當精勤修習此妙經典，
T16n0665_p0422b20(02) 是則正法久住於世。」
T16n0665_p0422b21(00) 金光明最勝王經卷第四
